


Kantikou Bleun-Brug Santez Anna

YEZ KERNE, LEON HA TREGER

ROUANEZ AN ARVOR



Poz: Itron Santez An - na , Ni ho ped a ga - lon ,
Ni en em lak gant joa Dindan ho protek - sion . —
Diskan: O Rouanez karet an Ar - vor , O Mamm leun a dru - e ,
War an douar war - vor , Goarnet ho pu - ga - le . —

DISKAN :

O Rouanez karet an Arvor,
O Mamm leun a drue,
War an douar, war vor
Goarnet ho pugale.

1

Itron Santez Anna
Ni ho ped a galon :
Ni en em lak gant joa
Dindan ho proteksion.

2

Ho kalon 'zo digor
'Vit holl ar Vretoned
An dud eus an Arvor
Ho kar ive bepred.

3

Patronez Breiz-Izel,
An Arvoriz gant gred
A c'houlenn ho skoazell :
O zikourit bepred.

4

Itron leun a zouster,
En hon holl ezommou
Diskoeit en hor c'henver
Galloud ho pedennou.

5

E labouriou kalet
E tremen hor buhe :
Diouz peb droug, Mamm garet
Hon diouallit bemde.

6

Hor c'horf hag hon ene
A ouestlomp d'eoc'h joaius,
O Mamm, eus lein an nenv
Bet ouzomp truezus.

7

Hon diouallit o Mamm
Diouz ar pec'hed marvel,
'Vit m'hor c'havo divlamm
Ar Barner eternel.

ITRON SANTEZ ANNA

(eus Kantikou Gwened)

(War don :
D'hor Mamm Santez Anna)

Diskan

Itron Santez Anna
Goarnet ho Pretoned,
Goulennit dreist pep tra,
Ma vint fidel bepred.

1

Evidompp pebez gloer
Ha pebez levane,
Pâ 'z eo deut d'hor c'hemer
Ëvit he bugale !

2

Evidomp-ni emañ
He c'harantez vrasa ;
Evidomp-ni e ra
He burzudou kaera.

3

Pegement a re glañv
O deus outi rekour ;
Hag en drougou gwasa
A gav outi sikour !

4

Pet kwech he deus rentet,
O madelez hep par !
D'ar re zall ar gwelet,
Ar c'hleved d'ar bouzar.

5

Pet kwech war ar mor bras,
Da dud a ya da goll,
He gweler o tigas
Avel vat en eun tôl !

6

N'eus forz gant peseurt poan
E vefec'h ankeniet :
Hi a wella buan
Ar c'horf hag ar spered.

7

Tud yaouank hag a venn
Servicha mat Doue,
Deut emañ da c'houlenn
Trec'hi ar fallente.

8

Pedit, mammou tener,
Ëvit ho pugale.
Diouti kemerit skouer :
Hi ' zo bet mamm ivez.

9

Ar gwerc'hezged ganti,
Sur a vo selaouet :
Mamm ar Werc'hez Vari
A gar ar gwerc'hezged.

10

Ha c'houi labourerion,
Gant ar poaniou gwasket,
Pedit-hi a galon,
C'houi eo he deus choazet.

11

C'houi ive, tud a vor,
E-kreiz ar gwall amzer,
Pedit-hi d'ho sikour,
D'ho tenna a zanjér.

12

Dreistoc'h ha pa savo
Ar mor e houlennou,
D'ezi 'vit m'ho koarno,
Gouestlit ho kalonou.

Diskan all :

O Anna Mamm Mari
A galon ni ho ped :
Diouz pep droug goarnet-ni ;
Grit ma vimp holl salvet.